

U PRUFETA OBAGHJAH

| | Pagina |
|--|---------------|
| Ghjevvah annunzie a distruzzione d'Edom | 1 |
| A gattivera di l'edomiti | _ |
| A vittoria di i ghjudei | 2 |

U PRUFETA OBAGHJAH

1 A visione d'Obaghjah : parolle di u Suvrano Ghjevvah riguardu à Edom :

Ghjevvah annunzie a distruzione d'Edom

“ Da a parte di Ghjevvah avemu ricevutu una nutizia : un inviatu hè statu mandatu per avvertisce i populi: ‘ Arrizzatevi, è arrizzemuci contr'à ella in battaglia ! ’ ”

2 “ A' l'ochji di e nazione t'aghju resu chjucu . Sì assai disprezzatu .

3 U fume di u to core ti hà ingannatu, tù chì alloghji indù l'antra di u pentone, in i lochi i più alti , dicendu in tè stessu: ‘ Quale hè quellu chì mi caccierà di casa ? ’ ”

4 Ancu puru s'è tù colli più in altu chè l'acula , o s'è tù piazzu u to nidu frà e stelle , ti lamperaghju inghjò ! ” Ghjevvah hà parlatu .

5 “ S'è ladri venenu ind'è tè durentu a notte piglieranu tuttu ciò ch'elli ponu purtatu è sarei completamente ruvinatu . S'è vindimiatori si ficchenu in a to vigna lasceranu sulamente qualchi ramucortu .

6 O Esau, à l'abottu sì statu messu! E to ricchezze nascoste sò state scuparte. Chì sfatteghju !

7 Tutti i to alleati ti caccenu di u to territoriu . Quelli chì campavanu in pace cù tè t'anu ingannatu ; quelli chì manghjavanu u to pane t'anu tesu una trappula . Elli dicenu : ‘ Duve hè u so intendimentu ? ’ ”

8 “ Realmente, affirmu, Eiu, Ghjevvah: in u ghjornu di a me collera, stirperaghju i savii di u paese d'Edom ; ùn lasceraghju nant'à e me muntagne nisun omu intelligente .

9 I to guerrieri, o Teman , saranu spaventati, è tutti quelli di u monte d'Esau massacrati .

A gattivera di l'edomiti

10 Per fatti pagà a gattivera ch'è t'ai praticatu contr'à u to fratellu Ghjacobbe , vogliu ch'è tù sia cupartu di vergogna per un tempu indifinitu .

11 Tempi fà , quandu chì nemichi purtavanu e so forze militare in Schiavitu, è [quandu] chì stranieri entrianu [aprendu] e so porte è ghjettendu e sorte nant'à Ghjerusalemme , ancu tù era cun'elli .

12 “ Edom , in u ghjornu di a sventura di u to fratellu , ùn duvii cuntemplà u spettaculu ; ùn duvii esse pienu d’alegria vedendu i more ghjudei; ùn duvii insultalli in u ghjornu di u so matalasciu.

13 Un’ duvii entre in a cità di u me populu mentre ch'ellu era saccheghjatu . Un’ duvii cuntemplà a so ruvina, nè stende a manu per piglià e so ricchezze in u ghjornu di u pigliapiglia .

14 Un’ duvii teneti à i cruciamenti di e vie per tumbà i so fughjitivi è per dà i so scampati .

15 Un’ hè luntanu u ghjornu di Ghjevvh contr’ à tutti i populi. Cum’è t’ ai fattu ti sarà fattu. E to malfatte ricascheranu nant’ à u to capu .

A vittoria di i ghjudei

16 Voi o ghjudei , avete digià betu u calice di a me collera nant’ à a me muntagna santa . Or dunque , l’altre nazione cuntinueranu à beie ; iè, elle beieranu sin’ à l’imbriacatoghja , è diventeranu cum’è s’ elle ùn fussinu mai venute à l’ esistenza .

17 “ Allora quelli chì saranu sempre in vita truveranu asiliu nant’ à u monte Sione . Questu sarà dinù un locu santu . I discendenti di Ghjacobbe pussederanu i so avere .

18 E’ a casa di Ghjacobbe deve diventà un focu , è a casa di Ghjiseppu una fiamma , è a casa d’ Esau cum’è una stoppia ; iè , a divenu brusgià è divurà . Un’ ci sarà alcun sopravivente . Eiu , Ghjevvh , affirmu ste cose .

19 E ghjente di u meziornu di Ghjuda piglieranu e muntagne d’ Edom , quelli di a piana piglieranu u paese di i filistei . Occuparanu a reghjone Di u stirpugliu d’ Efraim è a Samaria . E ghjente di u stirpugliu di Bengehjaminu piglieranu a reghjone di Galaad .

20 L’ esilati di u regnu d’ Israel , à u settantrione , una vera armata , Cunquesteranu a Finicia sin’ à Zarefat . L’ esilati di Ghjeru salemme chì sò à Sefarad occuperanu e cità di u meziornu .

21 “ E’ liberatori attipperanu u monte Sione . Da custì guverneranu Edom . Ghjevvh sarà Rè ! ”

... / ... / ... / ... / ... / ...